



# SLUŽBENE NOVINE

## KANTONA SARAJEVO

Godina XXVI - Broj 31

Četvrtak, 5. 8. 2021. godine  
SARAJEVO

ISSN 1512-7052

### KANTON SARAJEVO

#### Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 170. alineja 24. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17 i 28/18), Vlada Kantona Sarajevo, na 33. sjednici održanoj 22.07.2021. godine, donijela je

#### UREDBU

#### O IZMJENI UREDBE O DODJELI NOVČANOG IZNOSA NAMIJENJENOG ZA LIČNE POTREBE LICA KOJA SU SMJEŠTENA U USTANOVE SOCIJALNE ZAŠTITE

##### Član 1.

(Izmjena člana 2.)

U Uredbi o dodjeli novčanog iznosa namijenjenog za lične potrebe lica koja su smještena u ustanove socijalne zaštite ("Službene novine Kantona Sarajevo", broj 29/14) u članu 2. broj "30,00" zamjenjuje se brojem: "60,00".

##### Član 2.

(Stupanje na snagu)

Ova uredba stupa na snagu narednog dana od dana objavljivanja u "Službenim, novinama Kantona Sarajevo", a primjenjuje se od 01.09.2021. godine.

Broj 02-04-28696-10/21

22. jula 2021. godine

Sarajevo

Premijer

**Edin Forto**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 33. sjednici održanoj 22.07.2021. godine, donijela je

#### ODLUKU

#### O USVAJANJU PROJEKTA NABAVKE VOZILA ZA POTREBE JU ZAVOD ZA HITNU MEDICINSKU POMOĆ KANTONA SARAJEVO

##### I

Usvaja se Projekat nabavke vozila za potrebe JU Zavod za hitnu medicinsku pomoć Kantona Sarajevo, koje će se koristiti za prevoz pacijenata na hemodijalizu.

##### II

Sredstva za realizaciju Projekta iz tačke I ove odluke planirana su Budžetom Kantona Sarajevo za 2021. godinu i Programom utroška sredstava sa kriterijima raspodjele sredstava tekućih i kapitalnih transfera utvrđenih Budžetom Kantona Sarajevo za 2021. godinu Ministarstva zdravstva Kantona Sarajevo, broj 02-04-6490-6/21 od 11.03.2021. godine, ekonomski kod 615300 - KAU0B3 - Izgradnja, rekonstrukcija i opremanje javnih zdravstvenih ustanova Kantona Sarajevo, u iznosu od 50,000 KM - iz kreditnog zaduživanja.

##### III

Zadužuje se Ministarstvo finansija Kantona Sarajevo da u skladu sa Procedurama zaduživanja Kantona Sarajevo na osnovu unutrašnjeg i vanjskog duga i izdavanja garancija ("Službene novine Kantona Sarajevo", broj 10/11 i 7/19) pokrene propisane procedure o kreditnom zaduživanju za projekat iz tačke I ove odluke.

##### IV

Zadužuje se JU Zavod za hitnu medicinsku pomoć Kantona Sarajevo da po okončanoj proceduri kreditnog zaduženja i odobravanju kreditnih sredstava za projekat iz tačke I ove odluke, implementira navedeni projekat u skladu sa Zakonom o javnim nabavkama ("Službeni glasnik BiH", broj 39/14).